



N°1974
Entrée le 25.02.2025
Chambre des Députés
Déclarée recevable
Président de la Chambre des Députés
(s.) Claude Wiseler
Luxembourg, le 25.02.2025
Chambre des Députés

Claude WISELER
President vun der
Chamber vun den Deputéierten
19, um Krautmaart
L-1728 Lëtzebuerg

Lëtzebuerg, den 25/02/2025

Här President,

Sou wéi den Artikel 80 vun eisem Chambersreglement et virgesäit, bieden ech lech, dës parlamentaresch Fro un de Minister fir den Interieur weiderzeleeden.

Den Inneminister hat d'lescht Joer Polizist:innen aus anere Regionen am Land temporär ofgezunn, fir d'Equippen an der Stad z'ënnerstëtzen. An der Press war lescht Joer och ze liesen, dass mol net d'Gemenge wëssen, wéi vill Polizisten aus de Kommissariater an hirer Géigend ofgezu goufen.

An de leschte Jore goufen et vill Diskussiounen doriwwer, dass d'Police méi Personal brauch, fir sengen Aufgabe kënnen nozekommen a verschidde Kommissariater ënnerbesat sinn. Dës trotz der Rekrutementswell vun 200 Poliziste pro Joer, déi vum viregte Policeminister an d'Liewen ugefaange gouf. Am leschte Rapport vun 2023 gëtt d'Zuel vun 3111 Polizist:innen genannt.

An deem Zesummenhang wéilt ech dem Minister dës Froe stellen:

1. Wéi vill Polizist:innen waren den 1te Januar 2025 bei der Police agestallt, opgedeelt nom ziville Beräich an no Polizisten "um Terrain"?
2. Wéi vill vun de 34 Kommissariater si physesch 7 Deeg op 7 ronderëm d'Auer fir de Bierger op?
3. Kann de Minister bestätegen oder widderleeën, dass verschidde Kommissariater nach ëmmer personell ënnerbesat sinn (ouni strategesch oder taktesch Informatiounen ze verrodnen)?
4. Ass séchergestallt, dass an all Region, wou ee Kommissariat ass, ëmmer op mannst véier Polizist:innen zu all Auerzäit disponibel sinn?

Mat déiwem Respekt,

GOERGEN Marc
Deputéierten





www.piraten.lu